

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
NAČELNIK OPĆINE TRAVNIK I NAČELNIK OPĆINE NOVI TRAVNIK

U skladu sa članom 8. Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 12/13, 34/03 i 65/13), a na osnovu člana 5. Odluke o standardima i kriterijima za imenovanje pravobranioca i zamjenika pravobranioca u Općinskom pravobranilaštvu Travnik ("Službene novine Općine Travnik", broj: 7/24) i člana 1. Odluke o raspisivanju javnog oglasa za izbor i imenovanje općinskog pravobranitelja u Općinskom pravobranilaštvu Travnik ("Službene novine Općine Travnik", broj: 7/24) načelnici Općina Travnik i Novi Travnik **raspisuju**

JAVNI OGLAS
ZA IMENOVANJE OPĆINSKOG PRAVOBRANIOCA
U OPĆINSKOM PRAVOBRANILAŠTVU TRAVNIK

I. NAZIV POZICIJE:

Općinski pravobranilac - 1 (jedan) izvršilac na period od četiri (4) godine, sa mogućnošću ponovnog imenovanja.

II. OPIS POZICIJE

Općinski pravobranilac predstavlja Pravobranilaštvo, rukovodi njegovim radom, poduzima mjere radi pravne zaštite imovine i imovinskih interesa za područje za čije je osnovano i njezinih tijela koja nemaju svojstvo pravne osobe, a financiraju se iz općinskog budžeta. Može zastupati pravnu osobu koju osniva općina i koja se finansira iz općinskog budžeta, ako je to predviđeno aktom o osnivanju pravne osobe.

Općinski pravobranitelj je zastupnik općine koji ulaže sredstva i poduzima mjere radi pravne zaštite imovine i imovinskih interesa općine u svim sudskim i upravnim postupcima i obavlja druge poslove određene zakonom.

U poslovima zastupanja pravobranitelj, kao zakonski zastupnik općine, poduzima pravne radnje radi zaštite imovine i imovinskih interesa općine pred sudovima i drugim mjerodavnim tijelima, kao i drugim slučajevima zaštite imovine i imovinskih interesa općine ako je ovlašten zakonom. Obnaša i druge dužnosti utvrđene zakonima Federacije BiH, zakonom o pravobranilaštvu i drugim propisima i općim aktima, te vrši druga prava i dužnosti utvrđene Zakonom i Odlukom o osnivanju Pravobranilaštva za općine Travnik i Novi Travnik.

III. OPĆI USLOVI

Kandidat za imenovanje na poziciju pravobranioca mora ispunjavati sljedeće uslove:

- Da je državljanin Bosne i Hercegovine,
- Da je stariji od 18 godina,
- Da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije,
- Da se na kandidata ne odnosi odredba člana IX.1. Ustava Bosne i Hercegovine,
- Da nije u funkciji u političkoj stranci.

IV. POSEBNI USLOVI:

Kandidat pored općih uslova mora ispunjavati i posebne uslove:

1. VSS, VII/1 stepen pravni fakultet, odnosno visoko obrazovanje najmanje drugog ciklusa diplomskog univerzitetskog studija bolonjskog sistema studiranja s najmanje 300 ECTS bodova) - pravne struke,

2. Da ima položen pravosudni ispit,
3. Da ima iskustvo u radu na poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim licima u trajanju od najmanje tri (3) godine nakon položenog pravosudnog ispita.

V. DODATNI KRITERIJI

- položen specijalistički ispit - advokatski ili notarski
- iskustvo više pravnih oblasti.

VI. SPISAK POTREBNE POTREBNA DOKUMENTACIJA:

Uz **prijavu** na javni oglas kandidati su dužni priložiti:

- Kraću biografiju, adresu i kontakt telefon,
- Uvjerenje o državljanstvu BiH,
- Dokaz o stručnoj spremi, položenom pravosudnom ispitu i radnom iskustvu,
- Ovjerenu izjavu kandidata da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od posljednje 3 (tri) godine,
- Ovjerena izjava kandidata da se njega ne odnosi član IX.1. Ustava Bosne i Hercegovine,
- Ovjerena izjava kandidata da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima
- dokumentacija koja dokazuje ispunjenje dodatnih kriterija iz tačke V. ovog javnog oglasa.

Dokumenti koji se prilažu uz prijavu moraju biti originalni ili ovjerene kopije.

Svi kandidati koji budu ispunjavali opće i posebne uslove, odnosno budu stavljeni na listu sa užim izborom najboljih kandidata koji ispunjavaju kriterije bit će pozvani na intervju. Kandidati prilikom pozivanja na intervju moraju ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Kandidati koji su ušli u užu izbor potrebno je da dostave podatke o odgovarajućem broju ranijih neposrednih rukovodilaca od kojih mogu dobiti preporuke i informacije o kandidatima.

Podnosioci prijava sa kojima se ne stupi u kontakt u roku od 8 dana nakon isteka roka za podnošenje prijava neće biti uzeti u razmatranje u daljem procesu imenovanja, te da se neće dostavljati pisane odbijenice kandidatima koji neispunjavaju uslove.

VII. NAČIN, MJESTO I ROK PODNOŠENJE PRIJAVA

Prijave sa zahtjevanom dokumentacijom podnose se u zatvorenoj koverti sa naznakom „Javni konkurs za imenovanje općinskog pravobranioca u Općinskom pravobranilaštvu Travnik" na adresu: Općina Travnik, Konatur b.b. 72270 Travnik, sa naznakom "Komisija za izbor općinskog pravobranioca" (NE OTVARAJ).

Nakon intervjuja Komisija za izbor će putem pisane preporuke predložiti rang-listu sa najboljim kandidatima i dostaviti načelniku Općine. Načelnik općine dostavlja Općinskom vijeću prijedlog kandidata radi konačnog imenovanja. Općinsko vijeće nakon razmatranja prijedloga imenovanja donosi odluku o konačnom imenovanju.

Konačno imenovanje će se objaviti u službenim novinama Općine Travnik i Općine Novi Travnik. Imenovani pravobranilac u Općinskom pravobranilaštvu Travnik preuzima dužnost narednog dana od dana stupanja na snagu odluka o konačnom imenovanju koja su donijela Općinska vijeća Općina Travnik i Novi Travnik.

Na odluku o konačnom imenovanju pravobranioca zainteresirana stranka može podnijeti prigovor na konačno imenovanje u skladu sa odredbama Zakona o ministarskim, vladinim i drugim imenovanjima. Prigovor na konačna imenovanja se podnosi Općinskom vijeću, a kopija se dostavlja Ombusmenima za ljudska prava BiH.

Javni oglas ostaje otvoren 15 dana od dana objavljivanja u "Službenim novinama Federacije BiH", dnevnom listu "Oslobođenje", web stranicama općina Travnik i Novi Travnik i oglasnim tablama navedenih općina.

Rok za podnošenje prijava računa se prema datumu objave oglasa u glasilu koje zadnje objavi oglas. Nepotpune, neblagovremene i neuredne prijave neće se uzimati u razmatranje.

NAČELNIK OPĆINE TRAVNIK


dr. sci. Kenan Dautović

Broj:

Datum:

01-07-671/24
30.05.2024



NAČELNIK OPĆINE NOVI TRAVNIK


Stjepan Dujo, mag. iur.

Broj:

Datum:

01-07-1487/26
30.05.2024



